

## **Бақара сураси, 254-оят**

09:35 / 06.04.2018 4550

**Эй иймон келтирғанлар! Сизга ризқ қилиб берган нарсаларимиздан на олди-сотди, на ошна-оғайничилик ва на шафоатчилик йүқ Кун келмасидан олдин нафақа қилинг. Ва коғирлар - ўшалар золимлардир. Бақара 254.**

Ушбу оятда Аллоҳ Үз бандаларига яна уларга ёқадиган сифатлар ила:

«Эй иймон келтирғанлар!» - деб хитоб қилмоқда. Бу сифат бандаларни Роббларига боғлаб турадиган сифатдир. Чақириқ эса мол-дунё сарфлашга, нафақа қилишга қаратадир. «Нафақа» сўзининг моҳиятида уни қаёққа сарфлаш маъноси ҳам жо этилгандир, яъни нафақа деганда, молни Аллоҳ кўрсатган жойларга сарфлаш тушунилади. Шунинг учун бу ерда нимага нафақа қилиш масаласига алоҳида урғу берилмаган. Лекин нимадан нафақа қилиш эслатилмоқда:

**«Сизга ризқ қилиб берган нарсаларимиздан...»**

Демак, Аллоҳ таолонинг Үзи берган нарсадан баъзи қисми Үзи кўрсатган жойга сарфланар экан. Ҳамда нафақанинг вақти таъкидланяпти:

**«...на олди-сотди, на ошна-оғайничилик ва на шафоатчилик йүқ Кун келмасидан олдин...»**

Яъни қиёмат бўлмасдан бурун нафақа қилиб қолинглар. Бугун сизларда бундай имконият бор. Чунки қиёмат кунида савдо-сотиқ қилиб, мол-дунёни кўпайтиришга ҳожат қолмайди, ошна-оғайничилик асосида иш битириб бўлмайди, ўртага воситачиларни - шафоатчиларни қўйиб ҳам иш битирилмайди. Бу ерда кўпроқ кичик қиёмат, яъни ўлим ҳақида сўз боряпти. Ким ўлса, унинг қиёмати қоим бўлади. Шунинг учун ўлимдан олдин мол-дунёни нафақа қилиб, кўпроқ савоб ишлаб олиш керак.

Пайғамбарлардан сўнг ихтилоф ва уруш бўлиши тўғрисидаги очиқ-ойдин баёнотлар ва иймондан сўнгра куфр келтирғанлар ҳақидаги оятлардан кейин иймоний тасаввур қоидаларини ўзига жамлаган оят келади. Бу ояти карима «Курси ояти» номи билан машхур бўлиб, ушбу оятда келган ҳар бир сифатнинг үзи умумий исломий тасаввурлардан бирига қоида бўлади